

Návt tun tiilááh Kela taksimáadhi

Kela sajanmáksá almos tâi priivaat tiervâsvuodâhuolâttâsân rahtum määdhi koloid, jis tun moonah tiipšon puácuvuodâ, äpittesvuodâ tâi šoddâdem keežild. Määdhih sajanmáksojeh táválávt aldemuu tipšosajan já hâlbimus madhâšemvyevi miel. Jis tuu tiervâsvuodâtile tâi vááijuvliih jotolâhtileh väätih taaksi kevttim, te tun puávtáh uázžud tast sajanmáávsu.

Kela miärádâs miel sâmikuávlust ässee sâmikielâlâid sâmmilâid miedettuvvoo fastâtaksiäššigâsvuotâ Kela sajanmáksim taksimaadhij várás. Miärádâs vuáduduvá sâämi kielâlaahân, ijge sâmikielâlâš äššigâs taarbâš tom uuccâđ sierâ.


1 Valjii olssâd sâmikielâlii vyeijee

Valjii olssâd njuolgâsajanmáksuvuáhádâhân servâm sâmikielâlii vyeijee, kiäst tun tiilááh Kela sajanmáksim taksimaadhij.

- Tiiláá taksi njuolgist jieijâd fastâtaaksist majemustáá määdhi tađe oovdeb peeivi tme 14 räi.
- Tun puávtáh tiilâd siämmáá tove puoh tuu tiädust orroo moonnâm- já maccâmsáátuid.
- Taksi almoot tuu taksimáadhi tiäđuud tiilâmkuávdázân.

2 Almoot jieijâd fastâtaaksin suáitu ohtâvuodâst

- jieijâd nommâ já persovntubdâldâh
- čujottâs, kost auto viázžá tuu
- määdhi čuosâttâh (om. pyecceeviäsu)
- tijmeäigi, kuás tun koolgah leđe tipšo-ohtâduvvâst
- puátih-uv tuu fáárun išeniävuh teikâ läidejeijee
- puhelinnummeer, mast tuu juksá.



3 Jis tuu kevttim fastâtaksi ij lah finniimist

teikâ jis tuu aassâmkuávlust ij lah sâmikielâlâš taksivyeijee miel di njuolgâsajanmáksuvuáhâduvvâst, te vääl di ohtâvuodâ tiilâmkuávdázân 0800 302 240 (Menevä Oy). Tij pyehtivetted oovtâst tiilâmkuávdâin selvättid, ete puáhtâ-uv tiilâmkuávdâš čujottid tunjin tiätu sâmikielâlii fastâtaksi vyeijee.

4 Čäáiti vyeijei jieijâd Kela-koortâ.

Ko tun čäáitáh vyeijei jieijâd Kela-koortâ, te tun finniih mâtksajanmáávsu tállân taaksist já tun máávsáh määdhist enâmustáá 25 euro jiešvástâdâs. Huámmâš, ete tuu tiilâm taksimáadhist pyehtih lede miel di meid eres äššigâsah.

5 Pivde tuodâštus Todistus matkakorvausta varten (SV 67)

- Jis tun tarbâšah taaksi tuu tiervâsvuotâtile tiet, te pivde tast tuodâštus tiervâsvuotâhuolâttâsâst (Todistus matkakorvausta varten SV 67).
 - Siäilut oovtâ määdhi várás čallum tuodâštus alnees 6 mánuppaje ääigi mâtkippeeivi rääjist. Kela puáhtâ pivdeđ tom manjelää.
 - Tooimât Kelan tuodâštus, mii addel kuhesâigâsâi vuoigâd vuodâ taaksi kiävtun.
- Jis tipšolâjádâs pargee lii tiilâm tunjin taaksi päikkimáadhi várás, te tun jieih taarbâš sierâ tuodâštus taaksi kiävtu taarbâšlâšvuodâst.

